



Universitätsbibliothek Paderborn

**De Orationibvs Iaculatoriis Libri IV. Ascetici, Seu ad
exercitationem spectantes**

**Balinghem, Antoine de
Antverpiae, 1618**

Cap. XV. Responsio ad eos qui subuerentur, ne si mentem breui
precatiuncula ad interna reuocent, excidant numquam redditura, quæ in
rem præsentem faciebant.

[urn:nbn:de:hbz:466:1-51085](#)

C A P V T X V .

*Responsio ad eos qui subuerentur, ne si men-
tem breui precatiunculâ ad interna
reuocent, excidant numquam redditu-
ra, quæ in rem præsentem faciebant.*

PLERIQUE existunt, quæ Dei est bonitas,
ex omni hominū ordine, quibus sua sunt
stata, fixaq; tempora aspirandi ad Deum: ve-
rū cùm grauiore aliquâ occupatione disti-
nentur, ad quam magnâ animi applicatione
est opus, piâ orandi consuetudine intermissâ
inchoata persequuntur, ne tantillâ intermis-
sione ab iis fugiat quod fugisse multum do-
lerent: Sed vanum omnino esse metu hunc,
eiusque similem, de quo sacræ litteræ, qui
repidauerunt timore vbi non erat timor,
pro virili conabor propositis rationibus
euincere.

Principiò quero à quo tenes id, cuius fugā
iaðurāq; metuis? A Deo Opt. Max. inquies.
Cur igitur non possit id ipsum conseruare &
cōtinere, quod tibi antè impertiit? At possit
quidem, quis autem sciat num id velit? Cur
non velit ei adesse qui se colat? Qui cæteris
omissis illi vni intendat, certâque nixus fide,
in eius prouidentia humanâ omni positâ

Y 4

pruden-

prudentiâ conquiescat? Ad hæc qui menti
tuæ siue vnius naturæ ministerio, siue supe-
riore aliquâ ratione indidit cogitationem
illam cuius times interitum, atque hoc qui-
dem tum cum nihil de eo cogitates; qui
eandē tibi perire patiatur quando rebus o-
mnibus charissimis etiam post habitis, totus
es in eius cogitatione defixus?

Secundò quoties ipsam cum Deo sermo-
cationē cōfuetudinemq; interrumpis, vel
corporis necessitatibus vrgentibus, vel ami-
corum interpellatione, vel negotiorum quæ
moram non patiuntur tractatione. Rem
tantam tamq; diuinam interrumpis: occu-
pationum verò humanarum filium oratio-
nis causa non abrumpas? Nihilne tibi illa or-
ationis ob res humanas interruptione de-
cedit? Quantum ex ea spiritualis fructus
collegisses? quantum cælestium gaudiorum
percepisses? quantorum donorum factus
esses particeps? cur non ista quereris, cum
tibi orationis exercitium aut intermitten-
dum, aut omnino relinquendum est? Cur
nobis minimæ reculæ objicis iacturam, ne
negotiorum tuorū cursum abrumpas? Itane
iacturam vocas cœleste illud orationis pabu-
lum, optatissimām que quietem, quâ vt fruc-
tentur sanctissimi viri omnium rerum iactu-
ram passi sunt? Ergone iactura est diuinæ a-
micitiæ conciliatio? vberioris gloriæ ade-
ptio?

prio? meritorum amplificatio? æternorum solitorum prægustatio? inexplicabilium gaudiorum præsensio?

Sed quoties(atque hæc sit tertia ratio) tibi à negotiorum prosecutione cessandum est interpellato ab amicis? Quoties tibi aut litterarum studiis operam danti, aut eorū quæ humanæ vitæ usui esse possunt aliquid inuestiganti, aut litteras scribenti variæ fæse, idque importunè ingerunt occasiones, quibus, relictis etiam quæ in manibus erant, obsecundandum est? An fortè tibi non abeunt tua illa quæ obtendis conceptionum animique sensa? Abeunt sanè idque citius multo quam oranti; inuehunt scilicet humana negotia varias animi perturbationes alias gaudijs, mœroris alias, hinc amoris, illinc odij, quibus mentem planè immutari, oblitterari que, quæ leuiter & ceu aquæ inscripta erant experientia ipsa confirmat. Obsequēris igitur amicis te interpellantibus, sequērisque quo te vocant externa negotia, intermissis tuis non obsequēris Deo? non sequeris te vocantem Deum?

Verū dic, amabò, si quemadmodum illibenter pateris te à negotiis auocari leuiores ob causas, & quæ ē re tua non sunt, ita si te quamquam occupatissimum Rex quispiam aut Princeps, aut Prouinciæ moderator, aut is cuius ope maximè egeres,

Y 5 ad

ad se accerteret, nonne dimissis repente omnibus ad eum ocijssimè dictoqué citius aduolares? Num metueres ne quid earum rerum, quæ tibi visi esse posse, memoria excideret? Num causareris occupations tuas? non credo equidem. At non est Rege aut Principe inferior qui te vocat Deus: Is

Psal. 75. est, qui terribilis aufert spiritum Principum.

Iob 12. **13.** Ipse est, qui baltheum regum dissoluit, &

18. præcingit fune renes eorum. Is est; qui cla-

Apoc. 1. ues habet mortis & inferni, de cuius ore

18. Apoc. procedit gladius acutus, ut in ipso percutiat

19. 15. gentes. Ipse est denique qui habet in vesti-

mento suo, & in femore scriptum: Rex re-
gum & Dominus dominantium.

Neque verò tibi diuino minus opus
est præsidio, quam humano quamquam re-

A&t. 17. gali. Num fortè ignoras quod à Menandro

28. dictum commemorat Paulus? In ipso viui-

mus, mouemur, & sumus? Ignoras ipsum

tuum esse, vitam ipsam actionemque omne-

tuam sine illo nulla esse? At si quæ natura,

naturalibusque constant causis ita se habet,

quid erit tandem de actionibus ijs, quarum

principia ut superioris sunt ordinis, ita natu-

ræ vires longè superant? & de quibus ipsa

Ioan. 15. veritas; Sine me nihil potestis facere. Quod

5. igitur concedis homini, id ipsum si lapis

Deo ne recusa. Deo inquam, cuius opera

tibi est in singula momenta necessaria, qui-

que

que nisi te continet, in pristinum nihil, momento corruas & concidas. Vides, credo, quanti tua intersit illum, sub cuius nutu, virtute, actionumque tuarum momenta decurruat, propitium habere placatumque, quae quidem precatione effici, tibi satis constare potest.

Cogitabis item (quartum hoc habeto responsum) quid factitatum à superioris memoria Patribus. Num erat Bartholomæus ab omni negotio otiosus, omnisque curæ expers? An non & ipse Apostolus apostolicis verbis de se poterat prædicare illud Pauli: Instantia mea quotidiana, solicitude ^{2.Cor.} omnium Ecclesiarum? quis autem hoc viro orationis amantior? qui in dies singulos centes orationi se dabat. O quoties illi, hoc ut orationum pensum persolueret integrè, humanis officijs supersedendum? Quoties abrumpendus negotiorum cursus? Quoties in Deum deriuanda cogitationum fluxio? neque verò id ne faceret causabatur memoria lapsum, neque verebatur ne sibi exciderent ea, quæ quidem excidisse grauiter ferret. Nimirum confidebat non commissurum Deum ut inde dispendium pateretur, vnde ei lucrum, quæstumque accedere oportebat: & ut oratio ei esset damno, quæ ad communione generis humani præsidium, atque ut omnibus bono sit, instituta est.

At

At quidquid tandem dicatur (inquieris) is
me timor semper sollicitum habuit. Verum
quero ex te, num si tibi vel officium Ecclesi-
asticum recitanti, vel meditationi insistenti,
nonnulla occurrant rebus gerendis, nego-
tiisq; perficiendis opportuna, abrumpas o-
rationis filū, ut illa ipsa excipias ne effluant.
Non credo, si is es, qui esse debes; Cogitas
opinor ad Dei spectare bonitatem & prouid-
entiam, vt (quando cum oratione colis &
veneraris) ea ipsa ita mente complectare, vt
non excidant, aut si excidant, paulò post et-
iam ipso inspirante & afflante recurrat: nec
eadem recurrent modò, verum etiā in præ-
mium non interruptæ orationis addantur
alia, atque alia, multiplici fœnore atque lu-
cro. Cur non eadem in proposito ratio
valeat?

Sed sit ita sanè vt subuereris, nec recurrat
animo, oratione, ea ipsa rapiente, quæ in rem
tuam erant: Quid tum? patere hoc dispen-
sarium (compendium verius dixerim) rerum
tuorum. Quis non compendium vocet di-
uinæ amicitiæ accessionem maiorem? gloria
promeritum? cælestium donorum copiam?
peccatorum condonationem? debitorum
solutionem? omnifq; boni prouentum? Hæc
vtique plurimaq; alia, quæ dicendo persequi
longū foret, minimâ iaculatoriâ prece con-
sequeris. Num cum istis, ea quæ tibi orando
effluere

effluere quereris vllâ ratione comparanda sunt? obolum perdis, sed is aureo compen- satur. Quis non vitrum margaritâ commu- ter? quis non aurichalcum præferat auro? quis tam demens qui teruncium emendæ escæ non exponat, quâ vel aucupio vel pi- scatu plurimùm rem familiarem augeat? vi- trum, aurichalcum, teruncius (nisi credo) sunt ea, quorum dispendia, margarita auro nobiliq[ue] gloriæ cælestis adeptione, quasi- que aucupio compensantur.

Iterum & extrellum dico, deleat oratio neque verò redeant vñquam ea, quæ occu- patus mente agitas, rebus tuis profutura. Quid? morti Daniel (teste Chrysostomo) ora- rationem prætulit, emoriq[ue] maluit quâm à precatione desistere. Tu nescio quibus ani- mi tui sensus orationē posthabebis? Quid? ille iacturam vitæ minoris duxit æstiman- dam quâm precandi studium. Tu leuiculæ coactionis inutilisq[ue] retentionem ora- tioni præponderate existimabis?

Sed quid Danielem egregia in Deum pie- tate commemo-ro? vide ut se hac in parte ha- buerint vel fidei lumine destituti. Trâsite in Cethim & in Cedar, mittite monet c. 2. 10; Hiere- mias (gens ea est à fide aliena) & videte si factū est huiuscmodi, si non ipsi peccandi studio addicti magis quâm ij qui Christi sa- cris iniciati sunt. Memoriæ traditum est à Vale-

1.3.c.3.

Valerio, cum Alexandro sacrificanti p̄fsto
essent nobilissimi pueri, de iis vnum ali-
quem thuribulo accepto ante ipsum adsti-
tisse, cumq̄ue in eius brachium carbo ar-
dens esset delapsus, quo ita vrebatur, vt
adusti corporis eius odor, ad circumstan-
tium nares perueniret, tamen & dolorem si-
lentio pressisse, & brachium immobile te-
nuisse, ne Alexandri sacrificium aut concus-
so thuribulo impediret, aut edito gemitu
regales aures exasperaret. O eximiam ani-
mi fortitudinem, o virtutem longè annis su-
periorem, quamq̄ue vix in constanti ætate
reperias. Sed o probrum Christiano nomi-
ni sempiternum! Potuit ethnicus ne faci-
ficantem orantemq̄ue interpellaret propriā
neglectā salute atque incolumitate, ignem,
cuius acerbissimi sunt morsūs, perfere: tu
Christo initiatuſ quisquilijs tuis & nugis re-
busq̄ue nihili, quæq̄ue solā cogitatione con-
tinentur, orationem atque adeò Deum i-
psum posthabebis? Verūm impar est oratio
tantæ indignitati. Surgent Niniuitæ in iu-
dicio & condemnabunt generationem
istam.

Matth.
12.41.

C A